

CUACA BURUK

DBKL kerah tiga pasukan operasi alih pokok tumbang

Kuala Lumpur: Tiga pasukan operasi termasuk First Rider dikerahkan ke 14 lokasi kejadian pokok tumbang dan dahan patah sekitar ibu kota bagi memastikan keselamatan orang awam serta kelancaran lalu lintas.

Dewan Bandaraya Kuala Lumpur (DBKL) dalam satu kenyataan memaklumkan ketiga-tiga pasukan itu dengan kekuatan seramai 20 petugas dikerahkan bagi menjalankan kerja pengalihan, pemotongan dan pembersihan segera.

“Hujan lebat dan angin kencang yang melanda Kuala Lumpur petang semalam (kelmarin) menyebabkan kejadian pokok tumbang dan dahan patah di 14 lokasi sekitar ibu kota.

“Lokasi terbabit adalah di Jalan Desa Utama, Taman Desa; No 4, Jalan Teluk Pulai, Taman Desa; Lot 6A Seksyen 88 Jalan

Ampang; Jalan Kuchai Maju 9, Kuchai Lama; Jalan Rukun 4, Gembira; Jalan Kuchai Jaya 8, Kuchai Lama; Jalan Desa, Taman Desa (Teratak Muhibbah) dan Jalan Kuchai Lama (Kompleks Tun Ghafar).

“Turut terjejas Jalan 6/130 Taman Skyline Klang Lama; No 15 Jalan Bukit Segar, Taman Bukit Segar; Jalan Kampung Pasisir, Klang Lama; No 2, Jalan Desa Damai, Taman Desa; Jalan Rukun 2, Taman Gembira, Kuchai Lama dan Jalan Rukun 5, Taman Gembira, Kuchai Lama,” katanya dalam satu hantaran Facebook semalam.

Katanya, DBKL komited dalam memastikan pemulihan dan pembersihan dilakukan dengan pantas bagi mengurangkan risiko bahaya kepada orang awam serta mengelakkan sebarang gangguan kepada pengguna jalan raya.